

DE TENDINIS BICIPITIS LÆSIONE.

THESES

ANATOMICO-CHIRURGICÆ,

Quas, DEO JUVANTE, & Præside M. JOANNE-BAPTISTA-LUDOVICO-PETRO DUMONT, Artium & Chirurgiæ Magistro, tueri conabitur, CLAUDIUS-NICOLAUS ROBIN DE LA VOISINIERE, Andegavus, in almâ Universitate Parisiensi, Artium liberalium Magister.

P A R I S I I S,


IN REGIIS CHIRURGORUM SCHOLIS,

Die Sabbati, 30â. mensis Augusti à sesqui-secundâ post meridiem ad septimam. Anno R. S. H. 1766.

P R O A C T U P U B L I C O

E T


MAGISTERII LAUREA.



Typis P. AL. LE PRIEUR, Regii Chirurg. Collegii
Typographi.

M. D C C. L X V I.

Q



THE JOURNAL OF THE

VOLUME 1

ANATOMICAL CHURCH

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE


THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE

THE JOURNAL OF THE



D. O. M.

DE TENDINIS BICIPITIS LÆSIONE.

T H E S E S

ANATOMICO-CHIRURGICÆ.



XQUISITISSIMAM corporis humani fabricam, solidis ac fluidis constare, neminem herculè fugit. Istâ cum machinâ miratu præstantissimâ, substantia spiritalis, animam dicta, conjungitur. Ex ipsâ dispositione divinâ, naturales animales que functiones defluunt. Huicce mechanicè excellentissimo operi, morborum iliades ascribuntur. Curationem, Anatomè neglectâ, aggredi, fallax & arduum opus. Quapropter de tendinis Bicipitis læsione acturi, structuram partis anatomicam paucis exponere juvat.

IN SCAPULAM, brachium, ante-brachium, manum tripar-
A ij

titam dividitur superior extremitas. Fibris cujuscunque generis miro ordine dispositis conflata, spontè agens, tegumentis communibus velatur.

ANTE-BRACHIUM, binis ossibus, ulnâ scilicet & radio componitur. Utraque ossa superius inter se & cum humero juncta, in medio paulatim dirimuntur, rursus ad manum coeunt: validioribus ligamentis firmata, per Ginglimum (*a*) angularem & lateralem, communes ac proprios motus absolvent.

DECEM IN ANTE-BRACHIO musculi indignantur; quorum duo flectunt, Brachii internus, Biceps (*b*); quatuor extendunt, longus & brevis Anconæ, Anconæ laterales: duo supinatores, longus (*c*) & brevis: pari numero pronatores, nempe rotundus, quadratus.

INTER FLEXORES, musculus Coracoradialis (*d*) seu Biceps recensetur. Ob duplex à scapulâ initium, Apophisi Coracoideæ Radioque adhaesiones, duplices usus, sic nuncupatur. Iste musculus, geminus, in parte carneâ ferè rotundus, in facie anteriori paululum internâ humeri sedem obtinet.

SOCII TENDINES, ferè paralleli, tamen à se invicem separati, ex isto musculo superius prodeunt. Alter anterior, teres, externus, longior, inter Apophyses tuberosas sinuositate humeri subrepens, thecâ ligamentosâ inclusus, articuli capsulam pervadit, ipsam & firmat. Ex eadem emergitur, breviori denuò vaginâ vestitus, juxtâ basim Apophysis coracoideæ, supercilio acetabuli posterius ac superius inhærescit. Alter ejusdem musculi caput, latius, brevius, internum, cum tendine musculi Coracobrachialis dicti, in processum anchoriformem definit. Ista capita, sensim descensu coadunata, versum suam originem socialiter pergunt.

(*a*) Vid. Clariss. Winslow Exp. Anat. p. 82. & 83.

(*b*) Idem Author bicipitem, ante-brachio leviter flexo, supinationi inservire, existimat. Exp. Anat. p. 310.

(*c*) Heisterus hunc musculum ad cubitum flectendum inservire censet, sicut videtur compendio Anatomico, *Traité des Muscles*, p. 192. Eodem modo habetur Winslowio. Exp. Anat. p. 312.

(*d*) Hoc nomine donatur Winslowio. Exp. Anat. p. 309.

MUSCULI BICIPITIS venter, præcipuum actionis organum; in parte mediâ Brachii, juxta infertionem Deltoidis, locum occupat; fibrarum rubro colore fasciculis, textu celluloso alligatis, involucri commune inclusis, efformatur. Istæ fibræ, albicantes, firmiores, tenaciores que evadunt: partim tendinem latum communem, validum, tuberositatis Radii margini posterius fixum, partim membranam strictiorem, Aponevrosim dictam, constituunt. Alios musculos paucis explanabunt nostræ responsiones.

INNUMERIS prædictæ partes irrigantur vasis: sanguifera ramo axillari progerminant. Venæ præcipuæ, numero quatuor, sanguinem in axillares reducant. Nec desunt vasa lymphatica in glandulas axillarum tendentia.

SEX funiculi Nervosi, partibus enumeratis distribuuntur; ex quatuor ultimis nervis cervicalibus, & primo dorsali oriuntur; plures ramos offerunt insignes, nempe cutaneum internum, Medium, Musculo-cutaneum, Cubitalem, Radialem, & Humeralem: motus sensusque partium descriptarum sunt organa.

VENAS BRACHIALES, phlebotomiâ secari, nemo incipias ibit. Hæc operatio frequens, periculosior tamen adest. Lanceola igitur instrumentum anceps, periti tractanda manu chirurgi. Ex venæ sectione exurgunt varia accidentia: inter gravia recensetur Tendinis Bicipitis læsio; hunc affectum præ cæteris pertractare conabimur.

IN PHLEBOTOMIA, vena Mediana sæpè sæpius incidi solet: propter situm sic nuncupatur. Huic subjacet tendo Bicipitis. Periculum est-ne infortunato casu saucietur. Ante-Brachii pronatione, levique flexione, idstud accidens metuendum præcaveri valet.

QUANTI sit momenti tendinem Bicipitis, levissimo lanceolæ attractu, non perstringere, omnes chirurgi norunt. Ex istâ læsione innumerabilis symptomatum turba prodest. Actio partis tendineæ à suâ integritate pendens læditur: musculus, tendinis origo, variis affectibus est obnoxius; undè dira tormenta, partim à vulnere, partim à musculo vulneratum tendinem distrahente, mutantur.

TENDINUM fibræ musculis continuæ, irretitâ nervorum serie donantur; hinc non mirum illas ferè similia mala pati. Nervo ac tendine, integrè resectis, nullum accidens periculofum adest; fed punctis (a) vel dimidiatò disciffis, varia symptomata subsequuntur. Hippocrates (b) etiam monuit *pejus adesse vulnus ex quo aliquid excisum sit, ex quovè caro, aliâ parte abcißâ, alia dependet.*

TENDINIS BICIPITIS puncturæ varia discrimina recipiunt. Partes læsæ aut æquè aut imperfectè dividuntur; figuram læsionis ubi spectes, alia longitudinalis alia verò transversa, vel obliqua occurrit: propter eventum, in periculofam & lethalem dividitur: respectu essentiæ, vulnus vel est simplex, vel complicatum: ex pravâ aut bonâ humorum indole & ex accidentibus, nec minor adest varietas.

SÆVISSIMIS MALIS tendo læsus concomitatur. Enormes dolores, tum in parte afflictâ, tum in toto humero, usquè ad scapulam repentes: partium rigiditas, immobilitas; febres, deliria, spasmi, supurationes ichorosæ, confluunt: aliquandòque increfcit inflammatio, tunc gangrenæ fit obnoxia; deniquè tandem, nisi promptum artis accesserit auxilium, mors ipsa (c) plerumquè sequitur.

CERTA SUNT TENDINIS BICIPITIS puncturæ indicia. Primum hujusce affectûs incipientis signum, punctiõis momento se se manifestat: acutissimus dolor, ad Acromion protensus, à vulnerato perferitur: acutissimo dolore percussus æger, clamat: nimius cuspidis lanceolæ renixus, ipsius retusio; inter signa primitiva annumerari quandoquè possunt.

Si dolores postea perseverent, strages edunt: extensio ante Brachii fit admodum dolorifica; musculus Biceps, & alii vicini sensim ingurgitati, tument; Aponevrosi etiam per consensum trahitur: inflammatio plus minùs-vè major intenditur; undè multiplex accidentium turma superiùs enumerata.

(a) Aphor. Boerh. 163. p. 216. de vulnere in genere.

(b) Prædic. Lib. 2. p. 79.

(c) Opera Paræi, Lib. X. Cap. 41.

Ex jam expositis de tendinis læsione, prognosim deducere non arduum. Quoad essentiam. Complicata simplice gravior. Periculosissima etiam, si cuspis lanceolæ in vulnus permanferit. Attentis deniquè accidentium numero & intensitate, ægri temperamento, certius iudicium statuetur, diversa itemque curandi methodus instituetur.

NE in hoc-ce morbo, æger, acutissimis dolorum aculeis divexetur, doloris sensum lenire, tollere operæ prærium est.

VENÆ sectiones ex altero brachio plùs minùs-ve repetitæ, potus diluentes, topica & anodina & emollientia, narcotica quandoquè, ad curationem congruunt.

SI ista media incassum adhibeantur, accidentia que urgeant; periculum est in mora. His angustiis quid agendum? Sectionis vel ustionis usu inter se dissentiunt Authores plurimi, nec non practici peritissimi. Rarò profunt incisiones. Caustica igitur prævaleant.

TUTIUS CITIUSVE CAUSTICIS, tendinis punctura sanatur. Hæc media multa, ut ita dicam, patrant miracula: ratio & experientia illud comprobant. Sensus dolorificus, plaudentibus ægris, omnino tollitur; membri aut totius machinæ ruina prævertitur, dira accidentia sedantur, extinguuntur. Hæc est causticorum utilitas, neotericis nimium forsàn neglecta.

CAUSTICA in læsione tendinum feliciter adhiberi, plurima probant observata. Hippocrates (a) hanc methodum jubet. Si in unum aliquem locum irruerit dolor & constiterit, nec medicamentis expellatur, inurito, quocunque in loco fuerit: Bartholinus (b) tendinis Bicipitis læsi curationem, oleo fervente, retulit. Paræus ipse (c) in historiâ tendinis ejusdem puncti Carolo IX°. Galliarum Regi, hanc curam suader. Causticorum effectus apprimè descripsit clarissimus Dominus Quesnay (d).

(a) Hippocrates de Affection. cap. tom. VII. p. 629.

(b) Bartholin. Med. Septentr. tom. II. p. 349.

(c) Opera Paræi. Lib. X. pag. 41.

(d) Lib. cui titulus, *Traité de la Gangrene*. p. 160.

nec non laudandus Boerrhavius (*a*); ejus que divinus commentator. Illustrissimus Dominus de la Peyronie, Chirurgiæ Gallicæ restaurator, in vulnere tendinis carpi, felici cum successu unctionem adhibuit. Laudandi e nostris (*b*) in læsione gravi partium tendinearum, istam praxim sequuntur.

QUOD ad operationem spectat, apparatus disponendus: ægrotans in situm idoneum collocandus: tum trochiscus sublimati corrosivi in partem afflictam intrudatur, ad crustæ efformationem remaneat; illumque emplastro unguenti fusci, splenio involvere, fasciâ que idoneâ continere juvat. (In actione caustici momentaneâ, tristis est ægri conditio, sed paulo post, tempestate sensim mitescente, malorum sævities quasi divinitus evanescit.) Escharam non incidi, sed spontè delabi necesse est: deinde plumaceolus spiritu therebentinæ imbutus, super tendinem ustum conjiaciendus: lenè digerens, cataplasma ex emollientibus super dandus. Tenui victûs ratione, cæterisque pro re natâ remediis, curatio perficitur.

(*a*) Coment. Aphor. Boerrhav. 334 §. 229.

(*b*) Domini Foubert. Dubertrand, & alii neoterici. In læsione tendinum, ter, hoc-ec anno prosperè cum successu causticis usus est M. Ferand.

F I N I S.